

四庫全書

子部

欽定四庫全書

子部  
玉海卷五

詳校官中書臣程炎

主事臣祁韻士覆勘

總校官進士臣朱鈐

校對官編修臣吳省蘭

謄錄監生臣李維裕

欽定四庫全書

玉海卷五

宋 王應麟 撰

天文

圭景

周土圭 八尺表 識景規

周禮大司徒以土圭之法測土深正日景以求地中日  
南景短多暑北景長多寒東景夕多風西景朝多陰日

至之景尺有五寸謂之地中凡建邦國以土圭土其地  
制其域注鄭司農云夏至日立八尺之表其景適與土  
圭等謂之地中今潁川陽城為然正義周公度日景置  
五表今陽城是周公度景之處古跡猶存通卦驗云冬  
日至立八尺之表日中視其晷是以知用八尺表以晝  
漏半度景也 日至之景尺有五寸鄭氏注云南戴日  
下萬五千里地與星辰四遊升降於三萬里之中是以  
半之得地之中正義三光考靈曜云云又曰周公攝政

四年欲求土中營王城故以土圭度景 馮相氏冬夏  
致日注冬至景丈三尺夏至景尺五寸 典瑞土圭以  
致四時日月封國則以土地注以致四時日月者度其  
景至不至以知其行得失也冬夏以致日春秋以致月  
土地猶度地也封諸侯以土圭度日景觀分寸長短以  
制其域所封也鄭司農說以求地中故謂之土圭疏通  
卦驗冬至立八尺之表晝漏半度之表北得丈三尺景  
若春秋致月之法亦於春秋分於十五日而望夜漏半

而度之日景一寸其地千里則一分百里封諸侯無過  
五百里已下止可言分不合有寸也 土方氏掌土圭  
之灋以致日景以土地相宅而建邦國都鄙 玉人土  
圭尺有五寸以致日注度景至不疏言土圭者謂度土  
地遠近之圭云致日者於地中立八尺之表於中漏半  
夏至日表北尺五寸景與土圭等冬至日文三尺為景  
至若不依此皆為不至故云度景至不也但景至與不  
至皆由君政得失而來度之者若不至使君改德教也

云夏日至之景尺有五寸冬至之景丈三尺者皆通  
卦驗文大司徒亦云夏日至之景尺有五寸謂之地中  
度地封諸侯日景一分地差百里五等諸侯取五分景  
以下 匠人建國水地以懸置槷以懸臆以景為規識日  
出之景與日入之景畫參日中之景夜考極星以正朝  
夕注於所平之地置八尺之臬以懸正之臆景以正四  
方日出入之景其端則東西正也又為規識之為其難  
審也自日出而畫其景端又至日入既則為規測景兩

端之中規之規之交乃審也度兩交之間中屈之以指  
臬則南北正疏以繩懸之於柱之四角四中以八繩懸  
之其繩皆附柱則其柱正矣然後眎柱之景天文志云  
夏日至立八尺之表通卦驗亦云立八神植八尺之表  
臬即表也必八尺者案考靈曜曰從上向下八萬里故  
以八尺為法也於四角四中故須八神神即懸也禁古  
丈臬  
禁柱也注引爾雅在地  
者謂之臬極星謂北辰易氏解曰夏至日在南陸躔東  
井去極六十六度有奇而景尺有五寸冬至日在北陸



躔牽牛去極一百十六度有奇而景丈有三尺春分日  
在西陸躔於婁秋分日在東陸躔於角去極九十一度  
有奇而其景均焉日出於東景在西則識出景之端日  
入於西景在東則識入景之端兩端既定中屈其所量  
之繩而兩者相合則地中可驗又慮所規不正復以出  
入之景與日中之景三者相參故曰參慮所參或偏復  
以日中之景與極星之度兩者相考故曰考詩定之  
方中注揆日出入以知東西南視定北準極以正南北

疏公劉傳曰考其日影是也

公劉既景迺  
岡相其陰陽

其術則匠人

云云屈橫度之繩即可以知南北經傳未有以定星正南

北者故箋以定為記時 隋志周公測晷景於陽城以

參考歷紀

唐調露元年十一月十一日於  
陽城得土圭長丈二尺七寸

先儒皆云夏

至立八尺表於陽城其景與土圭等尚書考靈曜曰日

永景尺五寸日短景丈三尺易緯通卦驗曰冬至之日

植八尺之表日中視晷景長短以占和否

夏至景一尺  
四寸八分冬

至一丈  
三尺

周髀云成周土中夏至景一尺六寸冬至一丈

三尺五寸

世說注引周髀云夏至北方六千里冬至南方十三萬五千里日中立表則無影矣劉

向洪範傳曰夏至景一尺五寸八分冬至一丈三尺一

寸四分春秋二分景七尺三寸六分

其法治地使平規而圓之立表其中

至尺寸之差蓋由南北殊方高下異勢衆說不得而一也漢魏及宋所都皆別四家

歷法候景則齊緯候所陳恐難依據劉向二分之景直

以率推非四表候定其長短

漢四分魏景初宋元嘉大明歷皆與考靈曜同考

靈曜周髀靈憲及鄭玄注周官並云日景於地千里而

差一寸案宋元嘉十九年壬午使使往交州測景夏至

出表南三寸三分何承天遙取陽城云夏至一尺五寸計陽城去交州萬里而景實差一尺八寸二分是六百里而差一寸也後魏信都芳注周髀四術謂金陵去洛南北畧當千里景差四寸則二百五十里而差一寸也

唐開元中太史測景五百二十六里二百七十步而差二寸五釐則康成之言未可據也司馬光日景圖曰

日行黃道每歲有差地中當隨而轉移故周在洛邑漢在潁川陽城唐在汴州後儀而唐志猶取陽城日晷以為法與漢志不同易氏謂大司徒所謂特四時測景之法堯

之授時以中星驗日景獨於仲夏言敬致即致日也致

日於尺有五寸之景即求中之法也使天度可以尺寸  
求則南北可分長短而東西何以取信土圭土其地者  
倣王國之法定東西南北之執而已 盧肇云周公之

為政也土圭致晷周髀作則

即句股  
算法

吳王蕃因鄭衆鄭

玄之言用句股之術以求天之里數 月令正義鄭注

考靈耀云地蓋厚三萬里春分之時地在當中自此地  
漸漸而下至夏至之時地下遊萬五千里地之上畔與  
天中平至夏至之後地漸漸而上至秋分地正當天之

中央自此地漸漸而上至冬至上遊萬五千里地之下  
畔與天中平自冬至後地漸漸而下此是地之升降於  
三萬里之中天旁行四表之中冬南夏北春西秋東皆  
薄四表而止地亦升降於天之中冬至而下夏至而上  
夏日道上與四表平下去東并十二度為三萬里

鄭四遊之

極元出周  
牌之文

考靈曜云正月假上八萬里假下十萬四千里

鄭注云夏至日與表平冬至之時日下至於地八萬里  
上至於天十一萬三千五百里 周髀算經曰陳子曰夏

至南萬六千里冬至南十三萬五千里日中立竿測影  
周髀長八尺夏至之日晷一尺六寸髀者股也正晷者  
句也從髀至日下六萬里而髀無影從此以上至日則  
八萬里日光外照徑八十一萬里周二百四十三萬里  
冬至日晷丈三尺五寸夏至日晷尺六寸冬至長夏至  
短日晷損益寸差千里大司徒疏武王遷鼎於洛欲  
以為都周公又度景求地中案書傳云四年建侯衛五  
年營成周封諸侯但正四方不求土中

晏子春秋古之  
立國南望南斗

北戴  
樞星

聘禮注宮必有碑所以識日景引陰陽也 續

漢歷志歷數之生也乃立儀表以校日景景長而日遠  
天度之端也日發其端周而為歲然其景不復四周千  
四百六十一日而景復初 黃帝羲和占日 堯敬致  
正仲夏 續漢志記稱大撓作甲子隸首作數二者既  
立以比日表

周十輝

禮春官眡祲掌十輝音之法以觀妖祥辨吉凶一曰祲



象鑄監閤普彌敘隋想

故書彌作  
迷隋作資

注鄭司農云輝謂日

光炁也侵陰陽氣相侵象者如赤烏鑄日旁氣四面反  
鄉如輝狀監雲氣臨日閤日月食普日月普普無光彌  
白虹彌天敘雲有次序如山在日上隋升氣想輝光玄  
謂鑄讀如佩觶之觶謂日旁氣刺日監冠珥彌氣貫日  
隋虹也詩云朝隋于西想雜氣有似可形想疏一曰侵  
據以為官首

中士二人史  
二人徒四人

十等多是日旁之氣言輝亦

是日旁輝光故總以輝言之

魯史梓慎云吾見赤黑

之祿 晉天文志有十輝 漢有日旁氣占 周文為

項燕軍視

日服虔曰視日旁氣也

漢功臣表引成帝時光祿大

夫滑湛日旁占驗 宗文曰雲氣圖一卷氣象圖一卷

占風雲氣候日月星辰上下圖一卷雲氣則候賦占候

雲雨賦各一卷 博古圖有周雙螭表座漢表座

漢太初晷儀 靈臺銅表 日晷書 圭景

漢造太初歷立晷儀 黃圖長安靈臺有銅表高八尺

長一丈三尺廣一尺二寸題云太初四年造 志歷譜

有日晷書三十四卷

隋志天文有黃道晷景占一卷唐志同梁有晷景記二卷

晉

樂志炎漢中興明帝表圭景而陳清廟 前天文志日

陽也陽用事則日進而北晷進而長陰用事則日退而

南晷退而短日之南北失節晷過而長為常寒退而短

為常燠凡君行急則日行疾君行緩則日行遲

冬至短極垂土

炭土炭動塵鹿解角蘭根出泉水踊畧以知日至要決

晷景晉灼曰蔡邕律歷記候鍾律權土炭冬至陽氣應

黃鍾通土炭輕而衡仰夏至陰氣應蕤賓通土炭重而

衡低進退先後五日之中 後禮儀志日冬至夏至陰陽

晷景長短之極微風所生也使八能之士

或度晷景權水輕重水一升冬重十三兩

日有中道月

有九行

中道者黃道  
一曰光道

光道北至東并去北極近南至牽

牛去北極遠東至角西至婁去極中夏至至東并北近

極故晷短立八尺之表而景長尺五寸八分冬至至牽

牛遠極故晷長景丈三尺一寸四分春秋分日至婁角

去極中而晷中景長七尺三寸六分此日去極遠近之

差晷景長短之制

後百官志注漢官曰靈臺待  
詔三人候晷景二人候日

續歷

志章帝晷漏與天相應冬至黃道去極百十五度晷景

丈三尺春分去極八十九度少強景五尺二寸三分夏

至去極六十七度強景尺五寸秋分去極九十度半強

景五尺五寸劉昭注易緯所稱晷景長短不相應

冬至丈三

尺

夏至一尺四寸八分春秋分七尺二寸四分續歷志又曰黃道去極日景之生據儀表也

宋志

景初日中晷景即用漢四分法是以漸就乖差 唐志

祖冲之曰四分歷立冬景長一丈立春九尺六寸冬至

南極日晷最長二氣去至日數既同中景應等而相差

四寸此冬至後天之驗東漢晷漏定於永元十四年則

四分法施行後十五歲也 李尋曰日者衆陽之長輝

光所燭萬里同晷人君之表也月衆陰之長百里為品  
千里立表萬里連紀 論衡日出扶桑暮入細柳

宋土圭 梁銅表

宋書元嘉二十年何承天以土圭測景知冬至已差三  
日詔使付外考驗起元嘉十三年畢二十年八年之中

冬至之日常與景長之日差校三日

月令正義孟春日  
在營室按三統歷

立春日在危十六度正月中日在室十四度元  
嘉歷立春日在危三度正月中日在室一度

宋志

承天曰史官受詔以土圭測景考校二至差三日有餘

錢樂之奏由來用景初法冬至之日日在斗  
二十一度以月衡考之在斗十七度半間  
隋律志

梁武鍾律緯云宋武平中原義熙十三送渾天儀土圭

云張衡所作張衡曰土圭測影不縮不盈驗渾儀銘題光初四年鑄土

圭光初八年作並劉曜所制非張衡也梁表尺即祖暅  
所算造銅圭景表也隋天文志梁天監中祖暅之造

八尺銅表周興嗣為銅表銘其下與圭相連圭上為溝置水以

取平大同十年虞劄又用九尺表江左景夏至一尺三  
寸二分冬至一丈三尺七分立夏立秋二尺四寸五分

春秋二分五尺三寸九分土圭正景經文闕畧先儒說  
不明審祖暅錯綜經注以推地中其法曰驗昏旦定刻  
漏分辰次乃立儀表於準平之地曰南表立表於南表  
影末曰中表夜依中表望北極樞而立北表取三表直  
為地中之正又以春秋二分之日旦始出東方之半體  
立表於中表之東曰東表日夕日入西方半體立表於  
中表之西曰西表乃觀三表直者即地南北之中也

南戴

日下為丹穴北戴斗  
極為空桐餘見上

隋經籍志元嘉二十六年度日



景數一卷

唐測景臺 土圭

地理志河南府陽城縣南有測景臺開元十一年詔太史監南宮說刻石表焉 會要儀鳳四年五月太史令

姚元辨奏於陽城測景臺立八尺表夏至日中測景尺

有五寸調露元年十一月十一日於陽城周公測景所

得土圭長丈二尺七寸

高宗

大衍歷議考麟德已前實

錄書時歷不書候景渾天二分為東西之中而晷景不

等二至為南北之極而進退不齊開元歷所推日度及  
氣皆直子半之始與祖冲之所算二百年間軌差一日  
之數皆合有中氣日度之議日躔之畧例步日躔軌漏  
之術冬至去極百十七度二十分陽城日晷丈二尺七  
寸一分夏至去極六十七度四十分晷尺四寸七分春  
秋分去極九十一度三十分晷五尺四寸三分每氣初  
日中晷常數不齊測其地二至日晷較長短同者為戴  
日北度數依陽城術求之

訶陵夏至立六尺表  
景在表南二尺四寸六典天

下測景之處分至表準各有典常

司歷掌驗晷景  
元十二年四月二十開

三日壬子於京麗正院定表樣  
審尺寸太史馳驛分往測候

集賢注記以二分至

之日正午量景長短數年候之乃定還京一行校之陳

元景曰以丈尺之術窺天地之大豈可定乎 天文志

大衍議曰數十里之高與十里之廣猶斜射之影與仰

望不殊今欲憑晷差以推遠近高下尚不可知况稽周

天星步於不測之中又可必乎 通典陽城有測景臺

開元以陽城測景未  
中乃於浚儀之岳臺

文苑英華范榮測景臺賦據河

洛之要創造化之功下歷坤德上羅乾緯囊括衆巧網  
羅羣藝平四氣而正兩儀

唐中晷法 覆矩圖

天文志中晷之法初李淳風造歷定二十四氣中晷與  
祖冲之短長頗異然未知其孰是及一行作大衍歷詔  
太史測天下之晷求其土中以為定數其議曰周禮大  
司徒以土圭之法測土深日至之景尺有五寸謂之地  
中鄭氏以為日景於地千里而差一寸尺有五寸者南

戴日下萬五千里地與星辰四游升降於三萬里內是以半之得地中今潁川陽城是也宋元嘉中南征林邑

五月立表望之日在表北交州影在表南三寸開元十

二年

四月  
壬子

測交州夏至在表南三寸三分與元嘉所測

畧同使者大相元太言交州望極纔高二十餘度

會要  
云纔

出地三  
十餘度

八月海中望老人星下列星粲然明大者甚衆

古所未識迺渾天家以為常沒地中者又鐵勒北有骨利幹晝長夜短既夜天如曛不暝夕肺羊胛纔熱而曉蓋

近日出沒之所

會要開元十二年四月二十三日壬子命太史監南宮說太史官大相元大等

馳往安南武陵蔡蔚等州測候數年還京與一行校之

太史監南宮說擇河南平

地設水準繩墨植表以引度之自滑臺始白馬夏至之

晷尺五寸七分又南得浚儀岳臺晷尺五寸三分又南

得扶溝晷尺四寸四分又南至上蔡武津晷尺三寸六

分半大率五百二十六里二百七十步晷差二寸餘而

舊說王畿千里晷差一寸妄矣今以勾股校陽城中晷

夏至尺四寸七分八釐冬至丈二尺七寸一分半定春秋

分五尺四寸五分以覆矩斜視極出地三十四度十分  
度之四自滑臺浚儀扶溝上蔡武津表視之其北極去  
地雖秒分微有盈縮難以目校大率三百五十一里八  
十步而極差一度極之遠近異則黃道軌景固從而變  
矣比歲武陵晷以圖測之定氣四尺四寸七分按圖斜  
視極高二十九度半差陽城五度三分蔚州橫野以圖測  
之定氣六尺六寸二分半按圖斜視極高四十度差陽  
城五度三分凡南北之差十度半其徑三千六百八十

八里九十步自陽城至橫野武陵大率夏至與南方差  
少冬至與北方差多又以圖校安南日在天頂北二度  
四分極高二十度四分冬至晷七尺九寸四分定春秋  
分二尺九寸三分夏至在表南三寸三分差陽城十四  
度三分其徑五千二十三里至林邑日在天頂北六度  
六分彊極高十七度四分周圍二十五度常見不隱冬  
至晷六尺九寸若令距陽城而北至鐵勒之地亦差十  
七度四分與林邑正等吳中常侍王蕃考先儒所傳以



戴日下萬五千里為勾股斜射陽城考周徑之率以揆  
天度當千四百六里二十四步有餘今測日晷距陽城  
五千里已在戴日之南則一度之廣皆三分減二南北  
極相去八萬里其徑五萬里宇宙之廣豈若是蕃之術  
以蠡測海也

通典云用勾股法筭之大約  
南北極相去纔八萬餘里

十三年至岱

宗時山下夜漏未盡自日觀東望日已漸高據厯法晨  
初迨日出差二刻半今差三刻餘原古人所以步圭景  
之意將以節宣和氣輔相物宜不在於辰次之周徑其

所以重歷數之意將以敬授人時欽若乾象不在於渾蓋之是非若乃述無稽之法於視聽之所不及則君子當缺疑而不議也而或者各守所傳之器以述天體謂渾元可任數而測天象可運筭而闕終以六家之說迭為矛盾誠以為蓋天耶則南方之度漸狹果以為渾天耶則北方之極寢高此二者渾蓋之家盡智畢議未見能通其說也則王仲任葛稚川之徒區區於異同之辨何益人倫之化哉凡晷差冬夏不同南北亦異先儒一

以里數齊之遂失其實今更為覆矩圖南自丹穴北暨  
幽都每極移一度輒累其差可以別日食之多少定晝  
夜之長短而天下之晷皆協其數矣昭宗時太子詹事  
邊岡修歷術服其精粹以為不刊之數也 舊書天文  
志曰一行覆矩圖自丹穴以暨幽都之地凡為圖二十  
四以考合蝕之分數知定漏之長短今載諸州測景尺  
寸如左 太平御覽交州去洛九千餘里孫慄云立表  
效景景在表南豈古郡以日南為名者其斯義乎又有

比景縣北比二字相似 晉太康記河南陽城縣是為  
土中夏至景尺有五寸 南越志日南五月立表望之  
日在表北景居南 山海經長留之山其神白帝少昊  
居之主司反景 淮南天文訓日行九州七舍有五億  
萬七千三百九里視日出入前表中一寸是寸得一里  
也 隋志梁祖暉曰考靈曜先儒求得天地相去十七  
萬八千五百里以晷影驗之失於過多王蕃所考校之  
前說不啻減半蓋近密乎劉焯云以二至之影定去極

晷漏周官夏至日影尺有五寸張衡鄭玄王蕃陸績先  
儒等皆以為影千里差一寸言南戴日下萬五千里表  
影正同天高乃異考之算法必為不可寸差千里亦無  
典說今交愛之州表北無影計無萬里南過戴日是千  
里一寸非其實差請一水工并解算術士取河南北平  
地量數百里南北使正審時以漏平地以繩隨氣至分  
同日度影得其差率里即可知 歷志中氣議曰歷氣  
始於冬至稽其實蓋取諸晷景步軌漏術曰南方戴日

之下正中無晷自戴日之北一度乃初數千三百七十  
九自此起差 易通卦驗曰冬至之日立八神植八尺之  
表日中規其晷之如度者則歲美民和晷進則水退則  
旱進尺二寸則月食退尺則日食晷進為贏晷退為縮  
呂氏春秋曰審堂下之陰而知日月之行白民之南  
建木之下日中無影呼而無響蓋天地之中也

乾德司天臺景表

見律曆

皇祐岳臺晷景新書 圭表

見天文 岳臺今京師岳臺坊地曰浚儀近古候景之所洛誥稱自土是也 表長八尺見於周髀 歷志載皇祐元年己丑二年庚寅三年辛卯自小雪至立冬氣之盈縮新表測影王朴筭影新法筭影測影長加時早晚岳臺晷影周歲筭數 皇祐初為圭法置於司天監

熙寧景表議

七年六月二十一日進表影

御迎陽門觀

沈括上景表議

曰步景之法定南北為難臣在本局候景入濁出濁之節日日不同參考舊聞別立新術候景之表三其崇八尺博三寸三寸殺一以為厚圭首刻其南使偏銳其趺方厚各二尺環趺刻渠受水以為準以銅為之表之四方墨以為中刻之綴四繩垂以銅丸先約定四方以十二表南北相重相去二尺各使端直三表相去左右上下以度量之令相重如一自日初出則量西景三表相去之度又量三表之端景之所至各別記之至日欲入



候東景亦如之長短同相去之疎密又同則以東西景  
端隨表景規之半折以求最短之景五者皆合則半折  
最短之景為比表南墨之下為南東西景端為東西五  
候一有不合未足以為正既得四方則惟設一表方首  
表下為石席以水平之植表於席之南端席廣三尺長  
如九服冬至之景自表趺刻以為分分積為寸寸積為  
尺為密室以棲表當極為雷以下午景使當表端凡景  
表景薄不可辨即以小表副之 元豐五年正月二十

三日詳定渾儀官歐陽發言至道皇祐之器及影表皆

有差謬會要

紹熙銅表

見歷法

水臬

國史天文志韓顯符造銅候儀之制有九九曰水臬十字為之其水平滿北辰正以置四隅各長七尺五寸高三寸半深一寸四隅水平則天地準唐貞觀初李淳風

於浚儀縣古岳臺測北極出地高三十四度八分差陽城  
九分今測定北極高三十五度以為常準 月令正義鄭  
注考靈曜夏至之日上極萬五千里星辰下極萬五千里  
故夏至之日下至東井三萬里 葉氏曰日仲春在奎十四  
度仲秋在角五度景居二至長短之中去極俱九十一度

陰陽五行書

黃帝陰陽 神農五行 黃帝泰素

前志五行家泰一陰陽二十三卷黃帝陰陽二十五卷

黃帝諸子論陰陽二十五卷神農大幽五行二十七卷

陰陽家黃帝泰素二十篇

六國時韓諸公子所作劉向別錄云韓諸公孫言

陰陽五行以  
為黃帝之道

崇文目黃帝朔書一卷

託師曠東方朔太公撰

法言或問黃帝終始曰託也

黃帝四序堪輿

元魏太安四年殷紹上一卷表云先師所注黃帝四序  
經文三十六卷合三百二十四章言天地陰陽之本撮  
要為一卷 隋志二卷

作堪輿餘

唐志五行類一卷又地

節堪輿二卷 崇文目五行類一卷 周禮占夢疏鄭

玄荅張逸問案堪輿黃帝問天老事云四月有癸亥十

月丁巳為陰陽交會云今八會其遺象者案堪輿大會

有八小會亦有八

堪輿天老曰正月陽建於寅

前漢志堪輿金匱

十四卷隋志八會堪輿一卷堪輿歷二卷唐志堪輿歷

注二卷國史志商紹太史堪輿歷一卷 揚雄傳注張

晏曰堪輿天地總名孟康曰神名造圖宅書者 保章

氏注堪輿有郡國所入度非古數也 日者傳褚先生

載孝武時聚會占家有五行堪輿建除叢辰歷天人太  
一家 後漢許慎云堪天道輿地道 唐呂才云堪輿  
經黃帝對天老有五姓之言 呂氏春秋義和作占日  
尚儀作占月后益作占歲

黃帝式經

隋志五行類黃帝式經三十六用一卷曹氏撰

唐志同

又

黃帝出軍遯甲式法一卷 史記正義引六甲孤虛法

劉歆七畧云有風  
角孤虛二十卷

唐志黃帝式用常陽經一卷 漢

志五行有羨門式法二十卷羨門式二十卷 史日者

傳分策定卦旋式正基 月令正義耕用亥日故云元

辰知用亥者以陰陽式法正月亥為天倉又云按陰陽式法丑魚鼈

蟹

### 黃帝陰符經

唐志神仙家集注陰符經一卷

太公范蠡鬼谷子張良諸葛亮李淳風李筌李

洽李鑒李銳楊晟

李筌驪山母傳陰符玄義一卷

筌號少室山連觀子於嵩

山虎口巖石壁得黃帝陰符本題云魏道士冠謀之傳諸名山筌至驪山老母傳其說

李靖陰符

機一卷韋弘陰符經正卷一卷張果太無傳一卷又辨

命論一卷 中興書目一卷分上中下篇驪山老母注

少室山布衣李筌撰序云得此經於嵩山石壁中不曉  
其義後至驪山逢一老姥有火生於木禍發必尅之語

見上 因問之姥乃授以陰符玄義陰符經者黃帝之書

或云受之廣成子或云受之玄女或云黃帝與風后玉

女論陰陽六甲退而自著其事

陰者暗也符者合也天機暗合於事機故曰陰

符陰符經疏一卷袁淑真疏并序有讚沈該注一卷又元



譚一卷

不知作者

上篇觀天之道執天之行宇宙在乎手萬化在乎

身天人合發萬化定基中篇動其機萬化安下篇三返

晝夜用師萬倍心生於物死於物機在目

蔡元定注

咸平

三年蔡望進新注陰符經八月十八日宋白看詳付史

館 蔡氏序曰陰符經三百言李筌得於石室中云寇

謙之所藏出於黃帝河南邵氏以為戰國時書程子以

為非商末則周末世數久遠不得而詳知以文字氣象

言之必非古書然非深於道者不能作也大要以至無

為宗以天地文理為數謂天下之故皆自無而生有人能自有以返無則宇宙在手矣筌之言曰百言演道百言演法百言演術道者神仙抱一法者富國安民術者強兵戰勝而不知其不相離也一句一義三者未嘗不備道者得其道法者得其法術者得其術三之則悖矣或曰此書即筌之所為也得於石室者偽也其詞支而晦故人各得以其所見為說耳 唐李筌傳驪山老母之言曰此符三百餘言百言演道百言演法百言演術

上有神仙抱一之道中有富國安民之法下有強兵戰勝之術分為三章又有六注謂太公范蠡鬼谷張良諸葛亮及荃也繫以正義不言誰作後序中謂出於驪山老母亦間有無主名者畧計太公之言八張良之言九鬼谷六諸葛五范蠡才一見而荃及正義尤詳後有斷章三贊又道士希嚴作贊三十九首可謂備矣 程子曰老子言甚雜如陰符經却不雜然皆窺測天道之未盡者也 黃庭堅曰陰符出於荃熟讀其文知非黃帝

書

殷陰陽書

禮運坤乾注得殷陰陽之書其書存者有歸藏疏熊氏云殷易以坤為首先坤後乾夏四時之書殷坤乾之說載前王損益陰陽盛衰

周龜八命

春官太卜以邦事作龜之八命一日征二日象三日與四日謀五日果六日至七日雨八曰瘳以八命者贊三

北玉瓦原三易連山歸藏周易三夢致簡咸陟之占以觀國家之吉凶

以詔救政

又見藝術類

卜師掌開龜之四兆方功義弓

### 周九筮

春官筮人掌三易以辨九筮之名巫更巫咸巫式巫目

巫易巫比巫祠巫參巫環注此九巫讀皆當為筮詳見藝術

類

### 鄒行五德

宋志案鄒行五德周為火行 漢郊祀志駙行以陰陽

主運顯於諸侯注晉灼曰燕昭王築宮師衍故作主運之篇 史記始皇推終始五德之傳 張蒼傳公孫臣

上書陳終始五德傳言漢土德文帝召為博士草立土德時歷制度注傳謂傳次也 家語孔子曰五行用事

先起於木王者則之首以木德其次以所生之行轉相承也 郎顛傳孔子曰漢三百載斗歷改憲注春秋保乾圖三

百四歲為一德五德千五百二十歲五行更用注易乾鑿度孔

子曰立德之數先立木金水火土德各三百四歲五德備凡一千五百二十歲

漢陰陽二十一家

志陰陽家者流出羲和之官拘者為之牽禁忌泥小數

始於宋司星子韋三編次以公禱生終始十四篇

傳鄒  
奭之

書公孫發二十二篇鄒子四十九篇

衍

鄒子終始五十

六篇

史記騶衍深觀陰陽消息而作怪迂之變終始大聖之篇十餘萬言其語闕大不經推而遠之至天

地未生窳冥不可考而原也

乘丘子杜文公各五篇黃帝泰素二十

篇

韓諸公  
子作

南公三十一篇

六國  
時

容成子十四篇張蒼十

六篇鄒奭子十二篇閻丘子馮促各十三篇將鉅子五

曹官制各五篇周伯十一篇

齊人

衛侯官十二篇

不知作者于

長天下忠臣九篇

近世平陰人別錄云傳天下忠臣

公孫渾邪十五篇

而以雜陰陽三十八篇終焉

不知作者

凡二十一家三百六

十九篇

兵陰陽始於秦壹天一終於辟兵威勝方十六家二百四十九篇圖十卷推刑德順斗擊因五

勝

司馬談論六家曰陰陽之術太詳而衆忌諱使人

拘而多畏然敘四時之大順不可失也

李奇注陰陽之術月令星官是

其技葉也

又曰陰陽四時八位十二度二十四節各有教令

翼奉曰

奉好律歷陰陽之占

天地設位垂日月布星辰分陰陽定四時



列五行以視聖人名之曰道聖人畫州土建君臣立律

歷陳成敗以視賢者名之曰經易有陰陽詩有五際春

秋有災異 董仲舒推陰陽為儒者宗 魏相采易陰

陽及明堂月令奏之魏相曰陰陽王事之本羣生之命 孟喜得易家

候陰陽災變書 張衡為陰陽之宗 郎顛咎徵最密

陰陽詳密 襄楷善天文陰陽之術 春秋繁露有陰陽五

篇五行八篇天地陰陽一篇 禮記明堂陰陽錄見明堂類

元帝紀初元三年六月詔安民之道本繇陰陽丞相御

史舉天下明陰陽災異者各三人 成帝紀陽朔二年  
春詔曰今公卿大夫或不信陰陽薄而小之所奏請多  
違時政 安帝紀永初二年七月戊辰詔有道術明習  
災異陰陽之度璇璣之數者各使指變以聞

漢五行三十一家

四時五行經  
黃帝五都

志五行始秦一陰陽終五音定名三十一家六百五十  
二卷五常之形氣出於律歷之數而分為一其法亦起  
五德終始而小數家因以為吉凶若秦壹二十黃帝諸三卷

子論

各二十卷

太玄

二十卷

三典談論

二十卷

諸王子論

二十卷

則陰陽之書也若神農大幽

二十卷

四時五行經

二十卷

陰

陽五行時令

十九卷

文解二十八宿

二十卷

則四時五行星

宿之書也若務成子

十四卷

十二典災異應

十二卷

鍾律災

應

二十卷

鍾律叢辰日苑

二十卷

鍾律消息

二十卷

黃鍾

七卷

則

災異鍾律之書也若堪輿金匱

十四卷

天一

六卷

泰一

二十九卷

刑德

七卷

風鼓六甲

二十卷

風后孤虛

二十卷

六合隨典

二十卷

轉位十二神

二十卷

羨門式法及式

各二十卷

文解六甲

十八卷

皆五行之數若五音竒胥用兵

二十卷

刑德

二十卷

定名

十五

卷皆五行之音若猛子閻昭

二十卷

蓋為五行之學者也

通鑑外紀黃帝其師大撓探五行之情占斗剛所建

始作甲子甲乙謂幹子丑謂枝枝幹相配以名曰漢

歷志黃帝起五部注孟康曰五行也黃帝紀治五氣

注五行之氣 選七命注引劉向尚書五行說

### 漢律歷陰陽占

翼奉傳奉治齊詩好律歷陰陽之占上封事曰知下之

術在於六情十二律而已王者忌子卯吉午酉詩之為

學情性而已五性不相害六情更興廢觀性以歷

張晏曰性

謂五行歷謂日也

觀情以律

張晏曰情謂廉正寬大公正姦邪陰賊貪狼也律十二律也

又

曰易有陰陽詩有五際春秋有災異皆列終始推得失

孟康曰詩內傳曰五際卯酉午戌亥也陰陽終始際會之歲有變改之政竊學齊詩聞五際

之要十月之交篇知日食地震之效 詩正義六藝論

引春秋演孔圖云詩含五際六情况歷樞云午亥之際

為革命卯酉之際為改正辰在天門出入候聽卯天保

酉祈父午采芑亥大明

詩正義又引詩緯曰陽生酉仲陰生戌仲

郎顛云

四始之缺五際之危

班固曰漢興推陰陽災異者孝

武時有董仲舒夏侯始昌昭宣時則眭孟夏侯勝元成則京房翼奉劉向谷永哀平則李尋田終術假經設誼依託象類億則屢中

漢京房易傳

詳見易類 晁說之曰漢藝文志易京氏凡三種八十  
九篇隋經籍志有京章句十卷又有占候十種六十三

卷唐藝文志有京章句十卷而占候存者五種二十三卷今其章句亡矣乃畧見於僧一行及李鼎祚之書而其傳者曰易傳三卷積筭雜占條例法一卷或共題易傳四卷而名皆與古不同今所謂京氏易傳者或題曰京氏積筭易傳疑隋唐志之錯卦是也錯卦在隋七卷唐八卷所謂積筭雜占條例法者疑隋逆刺占災異十二卷是也至唐逆刺三卷而亡其九卷元祐八年高麗進書有京氏周易占十卷疑隋志周易占十二卷是也

自古易家有書而無師者多矣京氏之書幸而與存者  
才十之一尚何誰之師哉辨三易運五行正四時謹二  
十四氣悉七十二候而位五星降二十八宿其進退以  
幾而為一卦之主者謂之世奇偶相與據一以超二而  
為主之相者謂之應世之所位而陰陽之肆者謂之飛  
陰陽肇乎所配乾與坤震與巽  
坎與離艮與兌而終不脫乎本以隱蹟  
佐神明者以飛某卦之位  
乃伏某宮之位謂之伏起乎世而周乎內外  
參乎本數以紀月者謂之建終終始始極乎數而不可



窮以紀日者謂之積含於中而以四為用一卦備四卦者謂之互乾建甲子於初坤建甲午於上八卦之上乃生一世之初一世之五位乃分而為五世之位其五世之上乃為遊魂之世五世之初乃為歸魂之世而歸魂之初乃生後卦之初其建剛日則節氣柔日則中氣其數虛則二十有八盈則三十有六蓋其可言者如此若夫象遺乎意意象乎言則錯綜其用唯變所適或兩相配而論內外二象若世與內若世與外或不論內外二

象而論其內外之位或三相參而論內外與飛若伏或相參而論內外世應建伏不論內外而論世建與飛伏或兼論世應飛伏或專論世應或論世之所忌或論世之所生於其所起見其所滅於其所刑見其所生非彰往察來微顯闡幽者曷足以與此前是焦小黃變四千九十有六卦後有管輅定乾之軌七百六十有八坤之軌六百七十有二具知之者將可以語邵康節之易矣

說之為京氏易式

國史志京房周易律歷一卷題虞翻注

乾象新書引京房易傳妖異占

漢洪範五行傳論記

劉向傳成帝時向校五經秘書見洪範箕子為武王陳五行陰陽休咎之證乃集合上古以來春秋六國災異行事著其占驗凡十一篇曰洪範五行傳論奏之

五行傳出尚書大傳

後漢志引

志劉向五行傳記十一卷

唐志同

隋志洪

範五行傳論十一

鄭玄注

卷漢光祿大夫劉向注天文類天文洪範日月變一卷洪範占二卷梁有洪範天行星曆四卷

五行志

景武之世董仲舒治公羊始推陰陽宣元之後劉向治穀

梁數其既福傳以洪範與仲舒錯向子歆治左氏言五行傳頗不同考武時夏侯始昌通五經善推五行傳傳族子勝下及許商其傳與劉向同唯歆傳獨異是以摠仲舒別向歆傳載睦孟夏侯勝京房谷永李尋之徒所陳行事舉十二世以傳春秋著於篇 本傳贊劉氏鴻範論發明大傳著天人之應 夏侯勝傳勝從始昌受洪範五行傳說災異諫昌邑王曰天久陰不雨臣下有謀上者霍光召問勝對在鴻範傳光益重經術士

五行志云

勝上洪範五行傳光讀之大驚

儒林傳許商善為筭著五行論

志許商五

行傳記一篇

李尋傳尋治尚書獨好洪範災異學天文月

令陰陽

續志應劭董巴燕周並撰建武以來災異尹敏建武二年上疏陳洪範消災之術

周

磐傳磐學古文尚書洪範五行

郎顛傳尚書洪範記

曰月行中道移節應期德厚受福重華留之

禮保章

氏疏案尚書五行傳

隋志濟南伏生之傳唯劉向父

子所著五行傳是其本法

晉志文帝時宓生創紀大

傳其言五行庶徵備矣

唐志向為五行傳取五事皇

極庶徵附於五行以為八事皆屬五行則八政五紀三德稽疑福極之類又不能附俾洪範之書失其倫理然自漢以來未有非之者其祥眚禍疢之說自其數術之學孔子於春秋記災異而不著事應蓋謹之也

志有蕭吉五行

記五卷  
隋人

漢明帝製五行章句於辟雍自講

### 漢五行傳說占應

續志五行傳說及其占應漢書五行志錄之詳矣應劭董巴譙周並撰建武以來災異今合而論之以續前志

注引鄭玄注尚書大傳志又引劉歆傳

尚書大傳維王后元祀帝令大

禹步于上帝

王謂禹也帝舜也步推也令禹推演天道

維時洪祀六沴用咎

于下是用知不畏而神之怒若六沴作見若是共禦帝

用不差神則不怒五福乃降用章于下若六沴作見若

不共禦六伐既侵六極其下禹乃共辟厥德受命休令

爰用五事建用王極

或作皇極 鄭玄曰五事象五行則王極象天也

長事一

曰貌之不恭是為不肅厥咎狂厥罰恒雨厥極惡時則

有服妖龜孽雞禍下體生於上之疴青眚青祥維金沴

木次二事曰言言之不從是謂不乂厥咎僭厥罰恒陽

厥極憂時則有詩妖介蟲之孽犬禍口舌之疴白眚白

祥維木沴金次三事曰視視之不明是謂不愆厥咎荼

也厥罰恒煥厥極疾時則有草妖保蟲之孽羊禍目疴

赤眚赤祥維水沴火次四事曰聽聽之不聰是謂不謀

厥咎急厥罰恒寒厥極貧時則有鼓妖豕禍耳疴黑眚

黑祥維火沴水次五事曰思心貌木言金視思心之不

睿當為是謂不聖厥咎冢厥罰恒風厥極凶短折時則



有脂夜之妖

夜讀曰液

華孽牛禍心腹之疴黃菁黃祥金木

水火沴土王之不極是謂不建厥咎督厥罰恒陰厥極

弱時則有射妖虵龍之孽馬禍下人伐上之疴

鄭玄曰夏侯勝

說伐宜為代

日月亂行星辰逆行維五位復建辟厥沴曰二

月三月維貌是司四五月視六七月言八九月聽十十

一月思心十二月與正月王極凡六沴之作歲月日之

朝則后王受之歲月日之中則正卿受之歲月日之夕

則庶民受之其二辰以次相將其次受之星辰莫同是離

逢非沴維鮮之功禦貌於喬忿言於訖衆視於忽似聽

於怵攸思心於有尤王極於宗始以其月從其禮祭之

參乃從其祀禮曰格祀篇名也今亡曰某也方祀曰播讀曰

國率相行祀其祀也曰若爾神靈洪祀六沴是合無差

無傾無有不正若民有不敬事則會批之六沴六事之

機以垂示我我民人無敢不敬事上下王祀 後漢方

術傳序箕子之術注箕子說洪範五行陰陽之術 孔

光對其傳曰六沴之作歲之朝曰三朝其應至重 李

尋曰五行以水為本其星元武婺女天地所紀終始所  
生 谷永曰明王正五事建大中則庶徵序於下 馬  
融對策大中之道在天為北辰在地為人君 郭璞曰  
尚書有五事共禦之術京房易傳有消復之救 宋五行  
志九疇陳其義於前春秋列其效於後逮至伏生創紀  
大傳五行之體始詳劉向廣演洪範休咎之文益備班  
固斟酌經傳詳紀條流司馬彪纂集光武以來以究漢  
事王沈魏書志篇闕凡災異但編帝紀又高堂隆郭景

純等據經立辭終皆顯應今皆撰次論序 晉志文帝  
時伏生創紀大傳班固據大傳采仲舒向歆著五行志  
博通祥變以傳春秋綜而為言凡有三術其一曰君治  
以道臣輔克忠萬物咸遂其性則和氣應休徵效國以  
安二曰君違其道小人在位衆庶失常則乖氣應咎徵  
效三曰人君大臣見災異退而自省責躬修德共禦補過  
則消禍而福至 隋志易以八卦定吉凶書以九疇論  
休咎春秋以災祥驗行事漢時有伏生董仲舒京房劉

向之倫能言災異顧眄六經有足觀者 御覽引五行

傳心之大星天王也前星太子也 周禮疏案書傳致

六極之由皆由身之五事

注引五行傳曰六病作見五行傳風屬中央雨屬東方

詩疏引五行傳貌屬木言屬金視屬火聽屬水思屬土

盧植封事引五行傳日晦而月見謂之朏 蔡邕引

範傳 晉隱逸傳郭琦博學善五行作天文志五行

傳注穀梁京氏易百卷 後魏高允傳敕允集天文災

異使事類相從約而可觀允依洪範傳天文志撮其事

要畧其文辭凡為八篇

漢明堂陰陽

志禮十三家明堂陰陽三十三篇

古明堂之遺事

明堂陰陽說

五篇

漢大衍玄基

王景傳以為六經所載皆有卜筮作事實於著龜而衆書錯糅吉凶相反乃參紀衆家數術之書堪輿日相之屬適於事用者集為大衍玄基

唐廣古今五行記 洪範外傳

志五行類竇維鑿廣古今五行記三十卷濮陽夏樵子

五行志五卷

崇文  
目同

書類穆元休洪範外傳十卷 唐五

行志考次武德以來畧依洪範五行傳著災異而削事

應 慶曆八年十二月壬申命劉義叟同修唐書天文

五行志 書目竇維鑿集歷代五行各變敘其證應類

例詳備今本止二十六卷缺水行一門李淳風五行元

統一卷雜論五星六曜

唐聿斯經

志歷算類都利聿斯經二卷

本梵書五卷唐貞元初有都利術士李彌乾將至京

師推卜一星行歷知人命貴賤新修聿斯四門經一卷唐待詔陳輔重修

徐氏續聿斯

歌一卷

文殊所說宿曜經一卷不空譯

通志雜星歷

本

朝楚衍明聿斯經

劉熙古績聿斯歌一卷六壬釋例

序列一卷

唐六十家五行

志五行類六十家一百六十部六百四十七卷始於史



蘇沈思經終於呂才地理經若焦氏易林京氏四時飛  
候及錯卦逆刺雜占參同契筮占集林新林洞林連山  
之屬易占之書也若鄭玄注行棊經及太一太游歷元  
鑑樞會賦之屬九宮太一之書也翼奉風角要候王琛  
六情訣及遁甲開山圖囊中經九星歷八門三奇三元  
九甲之屬風角遁甲之書也式經有六壬雷公太一之  
殊堪輿有歷注四序地節之異以歷名則黃帝斗歷大  
史公萬歲張衡飛鳥呂才百忌以占書名則師曠東方

朔各一卷龜經則柳彥詢世隆至孫思邈六家陰陽書

則王粲呂才二家他如七政歷白澤圖黃帝集靈武王

須臾淮南萬畢周宣占夢咸著於篇

失姓名六十五家  
袁天綱相書陳恭

劉天寶歷至柳璨夢鳥二十五家一百三十二卷  
不著錄有金鏡連珠之式金匱絳囊玉帳之經

隋

志五行二百七十二部合一千二十二卷

自黃帝飛鳥  
歷至相馬經

傳曰天生五材廢一不可周官分在保章馮相卜師筮

人占夢眊祲而太史之職實總之中興書目八十七

家二百八十九卷管子有五行篇後魏崔浩著五

行論 晉索靖作五行三統正驗論辨理陰陽氣運  
隋志梁有墨子枕中五行要記一卷

唐太一金鏡式經

志五行王希明太一金鏡式經十卷開元中詔撰 書  
目開元中希明撰凡十篇集古太一書自太公張良周  
元宋琨樂產李淳風之說別起太一新歷其術頗精密  
又引前世事驗著於衆篇

唐太一元鑑

志五行李淳風太一元鑑五卷太一樞會賦一卷

元宗注

一行天一太一經一卷馬先天寶太一靈應式記五卷

李鼎祚連珠明鏡式經十卷

開耀中  
上之

葉氏曰太一九

宮其說雖出乾鑿度然而以五居中列其一三七九為四旁二四六八為四隅則天地二五之數皆在特虛其十而不見以土無定位寄王於四方與月令中央土獨不舉成數者同義十雖不見而九宮從橫錯綜數之皆得十五則土之成數蓋未嘗不具也是

在易則謂之五位洪範則謂之九疇

唐萬歲經國歷

志五行類司馬驥遁甲符寶萬歲經國歷一卷驥與弟

裕同撰陳恭釗天寶歷二卷

天寶中  
詔定

賈耽唐七聖歷一

卷黎幹蓬瀛書三卷曹士蒨金匱經三卷

並不  
著錄

唐遁甲圖

志五行類蕭君靖遁甲圖開元奉詔撰卷七伍子胥遁

甲文一卷信都芳遁甲經二卷葛洪三元遁甲圖三卷

榮氏遁甲開山圖二卷 隋志遁甲正經三卷經十卷

遁甲開山圖一卷

梁二卷

後漢高獲善天文曉遁甲

文選注引遁甲開山圖榮氏解 水經注引開山圖

六典太卜令凡歷注之用六大會小會雜會歲會除建

人神 朱震曰遁甲九天九地之數乾納甲壬坤納乙

癸自甲至壬其數九故曰九天自乙至癸其數九故曰

九地 後漢注推六甲之陰而隱遁也今書七志有遁

甲經

唐陰陽書

志五行類呂才陰陽書五十三卷廣濟陰陽百忌歷一卷王瓌新撰陰陽書三十卷呂才傳擢太常博士帝病陰陽家所傳書多謬偽淺惡世益拘畏命才與宿學老師刪落煩詭掇可用者為五十三篇合舊書四十七凡百篇詔頒天下才於持議儒而不俚以經誼推處其驗術列其三篇卜宅命葬帝又詔造方域圖及教飛騎戰陣圖會要太宗以陰陽書近代詭偽穿鑿拘忌亦

多命太常博士呂才及陰陽學者十餘人共加刊正削

其淺俗存其可用者貞觀十五年四月十六日

巳撰陰

陽書凡五十三卷及舊書四十七卷詔頒行之才為敘

質以經史其穿鑿拘忌者才有駁議曰敘宅經敘祿命

叙葬書識者以為確論 通鑑才與諸術士判定可行

者凡四十七卷貞觀十五年四月巳百書成上之 隋

志魏高堂隆雜忌歷二卷百忌大歷要鈔一卷太史百

忌歷圖一卷百忌歷術通歷法各一卷 史記正義引



歷忌釋 說文引太史卜書 隋文帝令臨孝恭考

定陰陽書仁壽二年閏十月甲申詔楊素與術者判定  
陰陽舛誤 李百藥奉詔定陰陽書

元豐校定陰陽書

元年十二月二十三日提舉司天監被旨校定館閣及  
私家所藏陰陽書置庫藏之編成七百十九卷上之

五行生成

月令疏鄭注易繫辭云天一生水於北地二生火於南

天三生木於東地四生金於西天五生土於中陽無耦  
陰無配未得相成地六成水於北與天一并天七成火  
於南與地二并地八成木於東與天三并天九成金於  
西與地四并地十成土於中與天五并也大衍之數五  
十有五五行各氣并氣并而減五惟有五十以五十之  
數不可以為七八九六卜筮之占以用之故更減其一  
故四十有九也 月令注五行自水始火木金次之土  
為後

易陰陽消長

天乾四月

一變成始  
六變成坤

地坤十月

一變成復  
六變成乾

天風姤五月

地雷復十一月

天山遯六月

地澤臨十二月

天地否七月

地天泰正月

風地觀八月

雷天大壯二月

山地剝九月

澤天夬三月

地坤十月

天乾四月

六卦為陰長陽消

六卦為陽長陰消

坤初六方一陰積四變而後履霜五變而後堅冰五月一陰始萌而履霜堅冰之理已兆於此不能折姦銷萌待其履霜而後救雖欲堅冰之不至不可得也臨二陽已著八月有凶之戒知臨之必有遯也遯二陰已著君子遠小人之象知遯之必至於剝也後漢方術傳序陰陽推步之學見於墳記然神經怪牒玉策金繩關扃於明靈之府封滕於瑤壇之上者靡得而闕

也至乃河洛之文龜書之圖箕子之術洪範五行師曠

之書

今書七志有師曠六篇占災異隋志師曠書三卷唐志師曠占書一卷蘇竟傳云師曠雜事注

雜占之書前書陰陽緯候之部七經緯鈐決之符兵法

有玉鈐篇皆所以探抽冥蹟參驗人區其流又有風角

遁甲今書七志有遁甲經推六甲之陰而七政元氣六

日七分逢占日者挺專須臾七志有武王須臾一卷孤虛

之術藝文志有風后孤虛二十卷吳越春秋計碗曰孤虛謂天門地戶也明於孤虛乃可量敵越王乃

仰觀天文集察緯宿歷象四時抱朴外篇大公時候說曰從孤擊虛萬人無餘太一在玉帳之中不可攻也

及望雲省氣推處祥妖時亦有以效於事 唐志五行

見象於天為五星分位於地為五行行於四時為  
五德稟於人為五常用於人為五材播於音律為  
五聲發於文章為五色而總其精氣為五行 鹽鐵論

大夫曰五行東方木而丹章有金銅之山南方火而交  
趾有大海之川西方金而蜀隴有名材之林北方水而  
幽都有積沙之地此天地所以均有無而通萬物也

月令正義四時是氣五行是物氣輕虛麗天物體質凝

屬地 五行萬物之本也其寓於人者為藏為官為神  
為竅為事為常而後一身得以生其寓於天地者為時  
為氣為日為星為方為辰而後百化得以興其寓於物  
者為形為材為聲為色為臭為味而後萬類得以成


五行之說大矣人君所以承天心正九疇熙庶績也少  
皞以是命五官大禹以是叙彞倫箕子以是陳洪範其  
用水火木金土其體貌言視聽思其符肅又哲謀聖其  
咎狂僭豫急蒙其變妖孽祥眚禍疴 質形於地氣行

於天氣所行木為先質所生水為首 五行分配四時  
土每時寄王十八日 朱氏曰陰陽造化之本不能相  
無然陽主生陰主殺其類有淑慝之分聖人作易於不  
能相無者以健順仁義之屬明之而無所偏主至消長  
之際淑慝之分則致扶陽抑陰之意所以贊化育而參  
天地其旨深矣 又曰一生水而成六二生火而成  
七三生木而成八四生金而成九五生土而成十生於  
陽者成於陰三天兩地也生於陰者成於陽兩地



而三天也天以三兼二地以二兼三五位而得合而為五

十



玉海卷五

欽定四庫全書

子部  
玉海卷六

詳校官中書臣程炎

主事臣祁韻士覆勘

總校官進士臣朱 鈐

校對官編修臣吳省蘭

謄錄監生臣李維裕

欽定四庫全書

玉海卷六

宋 王應麟 撰

律歷

律呂

宓義律法

後漢律志京房曰十二律之變至於六十猶八卦之變  
至於六十四也宓義作易紀陽氣之初以為律法建日

冬至之聲以黃鍾為宮大蕤為商姑洗為角林鍾為徵  
南呂為羽應鍾為變宮蕤賓為變徵此聲氣之元五音  
之正也故各終一日其餘以次運行當日者各自為宮而  
商徵以類從焉禮運篇曰五聲六律十二管還相為宮  
此之謂也晉志通典同史記律書鍾律調自上古建律運  
歷前漢志十一月乾之初九黃鍾律長九寸九為萬  
物元也易曰立天之道曰陰陽六月坤之初六林鍾律  
長六寸立地之道曰柔剛正月乾之九三太蕤律長八

寸象八卦宓義氏之所以順天地通神明類萬物之情也立人之道曰仁義后以財成天地之道輔相天地之宜以左右民此三律之謂矣是為三統太極元氣函三為一始動於子

晉志十二律之生必起馬呂氏春秋言黃鍾之宮律之本也

史記

生黃鍾術曰音始於宮數始於一神生於無形成於有形然後數形而成聲 劉歆三統歷曰黃鍾初九律之首陽之變林鍾初六呂之首陰之變參天兩地之法也太初歷法生於律律法生於易宓義畫卦由數起此

律之始也 前志漢太初以律起厯曰夫律陰陽九六爻

象所從出也故黃鍾紀元氣之謂律律法也莫不取法焉

前志又云推厯生律又曰黃帝制十二筩為律本與此異

黃帝律本 十二筩 竹律 律管 玉管

十二律 舜昭華琯 玉琯 昭華玉

前漢律志五聲之本生於黃鍾之律九寸之宮或損或益以定商角徵羽九六相生陰陽之應也律十有二陽

六為律 黃鍾大蕤姑洗 以統氣類物陰六為呂 林鍾南呂應鍾

蕤賓夷則亡射

大呂夾以旅陽宣氣有三統之義焉

三統者天施地化人事之紀也黃鍾

為天統林鍾為地統太簇為人統其傳曰黃帝之所作也

說苑修文篇同

黃帝

使泠綸

泠音零

自大夏之西

西戎之國也

昆侖之陰取竹之解

谷生其竅厚均者斷兩節間而吹之以為黃鍾之宮

律之

最長也

制十二筩以聽鳳之鳴

筩音大東反

其雄鳴為六雌鳴

亦六比黃鍾之宮而皆可以生之

謂上下相生也

是為律本

呂氏

春秋仲夏紀古樂篇泠綸作伶倫昆侖作阮隃解谷作嶰谿之谷

晉志傳云黃帝使

伶倫自大夏之西

大夏西方之山

乃昆侖之陰

阮隃山名山北曰陰西漢曰昆



命之陰取竹之懈谷生其竅厚鈞者斷兩節間竹生谿谷取其厚均

斷兩節間長三寸九分而吹之以為黃鍾之宮斷竹長三寸九

分吹之音中曰含少次制十二竹筩六律六呂各有管故曰筩含一作舍

寫鳳之鳴雄鳴為六雌鳴亦六一云以之阮隴之下聽鳳凰之鳴以別十二律

以比黃鍾之宮皆可以生之以定律呂則律之始造以

竹為管取其自然圓虛也呂不韋春秋言見呂氏春秋音律篇黃

鍾之宮律之本也下生林鍾函亦曰鍾林鍾上生太蕤太蕤

下生南呂南呂上生姑洗姑洗下生應鍾應鍾上生蕤

賓蕤賓下生大呂大呂上生夷則夷則下生夾鍾

亦曰圓鍾

夾鍾上生無射無射下生中呂

亦曰小呂

三分益一以上生

三分去一以下生

法鳳之雌雄故律有陰陽上下相生故曰黃鍾之宮皆可以生之律始

於黃鍾終於中呂律言其用呂言其體通謂之十二律

又云黃帝作律以玉為管

長尺六孔為十二月音至舜時西王母獻昭華之琯以

玉為之及漢章帝時零陵文學奚景於冷道舜祠下得

白玉琯度以為大尺相傳謂之漢官尺

說文云得笙玉管

武帝

太康元年魏襄王家得玉律古以玉為管取其體含廉

潤也 大戴禮孔子曰舜以天德嗣堯西王母來獻白

瑄

選注云白玉瑄 王元長曲水詩序昭華之珍注西王母所獻

淮南子堯得舜推

而尊之贈以昭華之玉而傳天下注玉名

書大傳同

漢律

志孟康注曰禮樂器記管漆竹長一尺六孔尚書大傳

西王母來獻白玉瑄漢章帝時零陵文學吳景於冷道

舜祠下得白玉瑄古以玉作不但竹也

文選注引風俗通同 後人易

竹之以

西京雜記高祖初入咸陽周行府庫金玉珍寶

不可稱言有玉瑄長二尺三寸二十六孔吹之則見車

馬山林隱麟相次吹息亦不復見銘曰昭華之琯拾

遺記黃帝吹玉律正璇衡 太玄云冷竹為管 漢志

至治之世天地之氣合以生風天地之風氣正十二律

定

亦見呂氏春秋

後魏志黃帝桴阮隃之管定十二之律以

成咸池之美 帝王世紀黃帝吹律定姓 五代會要

王朴曰樂作於人心而聲成於物物聲既成復能感人

之心昔黃帝吹九寸之管得黃鍾之聲為樂之端半之

為清聲倍之為緩聲三分損益之以生十二律十二律

旋相為宮以生七調為一均凡十二均八十四調而大

備

又見樂器類 十二律之變以五變者成六十律以七變者成八十四調

呂氏春秋古

樂篇黃帝又命伶倫與榮將鑄十二鐘以和五音以施

英韶 隋律志昔者淳古葦籥創覩人籟之源女媧笙

簧仍昭鳳律之首後聖廣業稽古彌崇伶倫含少乃擅

比竹之工虞舜昭華方傳刻玉之美書稱同律度量衡

又曰予欲聞六律五聲八音七始訓以出納五言此皆

候金常而列管憑璿機以運鈞統三極之元紀七衡之

響可以作樂崇德殷薦上帝

七衛六間  
見援神契

傳稱黃帝命伶

倫斷竹長三寸九分而吹以為黃鍾之宮曰含少次制  
十二管以聽鳳鳴以別十二律比雄雌之聲以分律呂  
上下相生因黃鍾為始毛爽律譜云案黃帝遣伶倫氏  
取竹于嶰谷聽鳳阿閣之下始造十二律乃致天地氣  
應是則數之始也陽管為律陰管為呂其氣以候四時  
其數以紀萬物隸首作數蓋律之本也故有虞用律和  
聲鄒行改之以定五始 後魏志昔黃帝採竹崑崙之

陰聽鳳岐陽之下斷自然之物寫自然之音音既協矣  
黃鍾以立數既生矣氣亦徵之於是備數和聲審度嘉  
量權衡之用皆出於茲 書舜典正義漢志云黃帝制  
十二籥以聽鳳皇之鳴 淮南子律之初生寫鳳之音

故音以八生 通歷黃帝始作律管 鬻子注黃帝作

弧矢造律管興封禪

注逢行  
珪撰

鄧平造歷名之曰初揚

雄草立以之為首 王起白玉琯賦質非筭籟韻含宮  
徵圓其表而合規虛其中而通理

舜六律

書舜典同律度量衡注律法制王云律六律馬云律法也鄭云陰呂陽律正義律候氣之管而度量衡三者法制皆出於律故云律法制也 律和聲注律謂六律六

呂十二月之音氣

說文云以玉作音故神人以和鳳皇來儀

益稷予欲聞

六律五聲八音在治忽以出納五言正義聖人制為六律與五聲相均作樂者以律均聲聲從器出惟言六律者舉陽陰從可知 漢志書曰予欲聞六律五聲八音



七始詠以出納五言女聽予者帝舜也言以律呂和五  
聲施之八音合之成樂七者天地四時人之始也 選  
長笛賦注呂氏春秋曰舜以夔為樂正於是正六律和  
均五聲以通八風

周玉律

晉志武帝太康元年汲郡發魏襄王冢得古周時玉律  
及鐘磬與新律聲韻間同于時郡國或得漢時故鍾吹  
律命之皆應 隋志梁武帝鍾律緯稱主衣從上相承

有周時銅尺一枚古玉律八枚毛爽云梁武時猶有汲冢玉律宋蒼梧時鑽為橫吹然其長短厚薄大體具存

周語景王將鑄無射問律於伶州鳩

鍾律也

對曰律所以

立均出度也紀之以三平之以六成於十二天之道也夫六中之色也故名之曰黃鍾由是第之二曰太簇三曰姑洗四曰蕤賓五曰夷則六曰無射為之六間以揚沈伏而黜散越也元間大呂二間夾鍾三間中呂四間

林鍾五間南呂六間應鍾

注六間六呂在陽律之間十一月曰黃鍾乾初九也六

律之首故以六律正色為黃鍾之名正月曰太簇乾九二也三月曰姑洗乾九三也五月曰蕤賓乾九四也七月曰夷則乾九五也九月曰無射乾上九也十二月曰大呂坤六四也二月曰夾鍾坤六五也四月曰中呂坤上六也六月曰林鍾坤初六也八月曰南呂坤六二也十月曰應鍾坤六三也

太玄經六始

為律六間為呂注陽為始陰為間於子為律於丑為呂

宋志下生者倍以三除之上生者四以三除之書正

義聖人之作律既以出音又以候氣布十二律於十二

月之位氣至則律應月令正義黃鍾為諸律之首諸

律雖長短有差其圓皆以九分為限孟康云林鍾長六

寸圍六分則圍之大小逐管長短然則方寸之數不可定也故鄭皆為圍九分也六律六呂皆候氣管名正月之時律之候氣應於太簇之管又計太簇管數倍而更半鑄之為鍾名曰太簇之鍾是律在於前鍾生於後故律厯志云黃帝取竹制十二筩是律生在前蔡氏以為太簇鍾名先有其鍾後有其律言律中此太簇之鍾其義非也 續漢志注月令章句蔡邕曰律率也聲之管也 聖人本陰陽別風聲審清濁而不可以文載口傳也於

是始鑄金作鐘以主十二月之聲鍾難分別乃截竹為管謂之律律者清濁之率法也聲之清濁以長短為制五代會要張昭等議月律有旋宮之法備於太師之職漢初制氏所調唯存鼓舞旋宮十二均更用之法世莫得聞漢元帝時京房善易別音探求古義以周官均法每月更用五音乃立准調旋相為宮成六十調又以日法析為三百六十傳於樂府而編懸復舊律呂無差錢樂空記其名沈重但條其說周書王子敷席注瑟師曠歌無射王

子歌矯

曲名也

鍾律緯云從上相承有周時銅尺一枚

古玉律八枚今餘七枚檢考參差惟夾鍾玉琯有昔題刻未必是舜時白琯觀其玉色要非近物迺制為尺以相參驗 劉旼大樂令壁記律家之說伶倫始為律管以象鳳鳴舜時得白玉之琯漢零陵舜祠下實得玉管 晉汲冢亦獲玉律則古用玉律明矣

周六律六同 十二律 銅管

周禮大司樂

中大夫二人

以六律六同五聲八音六舞大合

樂注六律合陽聲六同合陰聲此十二者以銅為管轉  
而相生黃鍾為首其長九寸各因而三分之上生者益  
一分下生者去一國語曰律所以立均出度也古之神  
瞽考中聲而量之以制度律均鍾言以中聲定律以律立  
鍾之均大合樂謂徧作六代之樂 黃鍾陽聲之首大呂

為之合疏十二辰之斗建與日辰相配合皆以陽律為  
之主陰呂來合之 大司馬師有功則左執律 太師

下大夫  
二人

掌六律六同以合陰陽之聲陽聲黃鍾

十一  
月 太

族<sub>月</sub>正姑洗<sub>月</sub>二

蕤賓<sub>月</sub>三

夷則<sub>月</sub>七

無射<sub>月</sub>九

陰聲大呂<sub>月</sub>十二

應

鍾<sub>月</sub>十南呂<sub>月</sub>八

函鍾<sub>月</sub>六

即林鍾

小呂<sub>月</sub>四

即中呂

夾鍾<sub>月</sub>二

皆文之

以五聲宮商角徵羽皆播之以八音金石土革絲木匏

竹注聲之陰陽各有合辰與建交錯貿易如表裏然其

相生則以陰陽六體為之同位者象夫妻異位者象子

母所謂律取妻而呂生子也黃鍾長九寸其實一籥下

生者三分去一上生者三分益一五下六上乃一終矣

疏十二律是候氣之管黃鍾律之首與大呂合故先言



之相生則六律六同皆左旋子午巳東為上生子午巳  
西為下生東為陽陽主其益西為陰陰主其減以三為  
法取法於天之生數三也五聲為文即八十一絲為宮  
七十二絲為商之等 大師教六詩以六律為之音大

師執同律以聽軍聲

典同中士

掌六律六同之和

同陰

律也以辨天地四方陰陽之聲以為樂器凡為樂器以十

有二律為之數度以十有二聲為之劑量和樂亦如之  
注陽聲屬天陰聲屬地天地之聲布於四方鄭司農云

陽律以竹為管陰律以銅為管竹陽也銅陰也各順其性凡十二律元謂律述氣者也同助陽宣氣與之同皆以銅為疏十二辰在陽辰為律屬天在陰辰為同屬地此即大師所云六律左旋六同右轉陰陽相合者也先鄭并大師執同亦為銅字解之後鄭不從之律歷志云其法用銅古之神瞽度律均鍾以律計倍半十二聲則十二辰零鍾左傳晏子曰一氣二體文武三類風雅四物五聲六律七音八風九歌以相成也清濁小大短

長疾徐哀樂剛柔遲速高下出入周疏以相濟也 管

子凡將起五音凡首先主一而三之四開以合九九以是生黃鍾小素之首以成宮三分而益之以一為百有八為徵有三分而去其乘適足以是生商有三分而復於其所以是成羽有三分而去其乘適足以是成角

通典以子聲比正聲則正聲為倍以正聲比子聲則子

聲為半 六韜太公曰律管十二其要有五

宮商角徵角

此

其正聲也

周七律 七音

國語周景王將鑄無射

景王二十三年魯昭之二十一年

問律於伶州

鳩王曰七律者何

注周有七音王問七音之律意謂七律為音器用黃鍾為宮大蕤為商姑

洗為角林鍾為徵南呂為羽應鍾為變宮蕤賓

為變徵左傳正義引賈逵注謂七器音也

對曰昔

武王伐殷歲在鶉火

歲星在張十三度

月在天駟

月宿房五度

日在

析木之津

津天漢也日宿其七度

辰在斗柄

日月合辰斗前一度

星在天鼇

辰星也天鼇次名一曰玄枵辰星在須女伏天鼇之首

星與日辰之位皆在北維

北方顓頊之所建也帝嚳受之我姬氏出自天鼇

玄枵齊之

分野太姜齊女也及析木者有建星及牽牛馬皆水宿則我太姜

之姪伯陵之後逢公之所馮神也歲之所在則我有周

之分野也鶉火周之分野月之所在辰馬農祥也辰馬房心星也房星晨正

而農事起我太祖后稷之所經緯也五穀王欲合是五位三

所而用之五位歲月日星辰三所達公所馮周分野后稷詩大明疏星日辰在北歲在南月在東

居三處故言三所謂五物在三處韋昭之言非也鄭注尚書為文王受命武王伐紂時日皆用殷歷劉向五

紀論載殷歷之法唯有氣朔而已其推星在天自鶉及龜則無術馬箋云協和伐殷之事謂合位三五也

馬七列也鶉火之分張十三度天駟房五度歲月之所在從張至房七列合七宿謂張翼軫角亢氐

房之南北之揆七同也七同合七律也揆度也歲在鶉火午辰星在天龜子鶉火周分

野天龜及辰水星周所出自午至于其度七同也左  
傳正義自戊午至甲子七日 劉歆三統之術筭此五

位所在自文王受命至此十三年歲在鶉火師初發以  
殷十一月戊子日在析木其七度是夕月在房五度後

三日得周正月辛卯朔合辰在斗前一度明日壬辰晨  
星初見癸巳武王始發丙午還師戊午度于孟津孟津

去周九百里師行三十里故三十一日而度明日己未  
冬至晨星與婺女伏厯建星及牽牛至婺女天龜之首

凡神人以數合之以聲昭之數合聲絃然後可同也左  
傳

正義五聲之外加以變宮變徵此二變者舊樂無之  
注凡合神人之樂也以數合之謂取其七也以聲昭之謂

用律調故以七同其數而以律絃其聲於是乎有七律  
音也

七同其數謂七列七同七律也律如其聲律有陰陽正變之聲也王以二月癸亥夜陳

未畢而雨以夷則之上宮畢之當辰辰在戌上故長夷

則之上宮名之曰羽所以藩屏民則也王以黃鍾之下

宮布戎於牧之野故謂之厲所以厲六師也太族之

下宮布令于商昭顯文德底紂之多罪故謂之宣所以

宣三王之德也反及嬴內地名以無射之上宮布憲施舍

於百姓故謂之羸亂所以優柔容民也柳宗元以為大武之律變也

左傳昭二十年晏子曰五聲六律七音昭二十五年子太叔曰為

九歌八風七音注周武王伐殷自午及子凡七日王因六律以奉五聲

此以數合之以聲昭之故以七同其數以律和其聲謂

之七音正義曰聲之清濁數不過五而有七音者終五

以外更變為之也

樂記孔子語  
賓牟賈六成

淮南子詮言訓注周

有七律增琴為七絃 後周裴政上書以為昔者大舜

欲聞七始下洎周武爰制七音武帝讀史書見武王克

殷而作七始除黃鍾之正宮用林鍾為調首長孫紹遠

以為天子用八先聖弘範周武七音非萬代不易之典



隋鄭譯亦謂周有七音之律

漢志天地人及四時謂之七始 史

律書武王伐商吹律聽聲推孟春以至季冬殺氣相并

而音尚宮

左傳武有七德 隋志長孫紹遠引周語七律又引尚書大傳七始

服虔左

傳注一懸十九鍾鍾七律十二懸二百二十八鍾為八

十四律

此一歲之閏數

六韜武王問太公曰律音之聲可以

知三軍消息勝負之決乎太公曰深哉王之問也律管

十二其要有五音可以知敵云云隋盧賁曰殷人以上

通用五音周武克殷得鶉火天駟之應其音用七漢興

加應鍾故十六枚而在一簾

陳氏曰應鍾陽之終蕤賓陰之始應鍾變陰而將之

陽蕤賓變陽而至於陰此應鍾蕤賓所以為變  
也 通典殷以前但有五聲周加文武二聲

禮大

師執同律以聽軍聲而詔吉凶注兵書曰大師吹律合音疏曰武王出兵之書 唐志有推七音一

卷 隋志推七音二卷并尺法 周七律記七律

周武王之樂也皇天集大命於我有周俾拯斯民於塗炭王乃仗旄秉鉞誕將天威神兵鼓行如雷如霆弧星枉矢所指必克固已得直歲星之王氣

赫上帝之明靈宸心兢兢稽揆天道協月正日順動六  
師矧惟系緒靈長顯穹眷顧培基于帝嘗后稷之時鍾  
慶于太姜逢公之遠錫羨發祥非一朝夕播諸聲樂于  
以象成數合聲和其律凡七五音翕繹其變有二循環  
無間迭為綱紀其所以顯一代象成之美該律呂相生  
之變至矣盡矣古樂湮散遺音靡存謹推原聖人制作  
之本意而為之記曰冲氣坱圠運乎太虛物聲動盪津  
溢宇宙

物聲動盪津溢宇宙一作物盈天地形動聲隨

人為最靈感發尤甚詠

歌嗟歎必寓於物解谷之竹昭華之玉裁為律管以電

中聲大師合之不外二六

不外一  
作止於

典同辨之惟曰十二

統氣類物旅陽宣氣亦不越乎此而已五聲六律十二

管還相為宮弗可加已今而正聲之外復有二變豈固

為是多端哉凡物之理

凡物一  
作天下

拘則泥變則通單出曰

聲其本固一雜比為音比音為樂倡和清濁迭相為經

變化代興有何窮已詩著四始而加以變風變雅作焉

樂備六變及于八變九變極焉歌有間歌樂有繚樂故

曰聲相應故生變變成方謂之音信其然乎粵若伏羲  
作易首紀律法起于黃鍾陽所繇萌變于蕤賓陰所繇  
基舜命其臣歌詠七始出納五言二漢律志所載班班  
可睹然則尚矣况於救暴除亂天下之僞功功成作樂  
王者之盛舉其於聲律得無象之然乎方其毒痛既極  
簞壺候后烏流魚躍並襲休祥禮車煌煌虔奉天討招  
搖在上順應魁杓順斗極運天關歷吉日協靈辰天策成軍  
用端命于上帝歲臨鷄火直我分野月在天駟叶于農

祥日居析木之津辰次斗柄星緯天龜凡是三者俱位  
北維顛頊所建帝嚳受之以木伐水實基蒼錄况玄枵  
之次姬氏自出建星牽牛逢公所憑周分辰馬后稷經  
緯五位三所合而用之自鶉及駟始于張翼周于氏房  
其列七馬自南及北昉于正午終于正子其揆七馬自  
至子始于極南終于正北歲臨于以七而同其數以律  
北始于辰火終于水星南北之揆而和其聲曰黃鍾曰太簇曰姑洗曰林鍾曰南呂五正  
聲也而宮商角徵羽絲是以諧曰應鍾曰蕤賓二和聲

也而變宮變徵繇是而出想夫太師聽宮聲而教詔太史抱天時而同車鑄師鼓樂而奏凱司馬執律而獻社夾振駟伐盛威中國播之總干山立之舞詠之武宿夜之歌經緯錯綜文以五聲發揚蹈厲播以八音聲音動靜之變盡於此矣或謂六韜兵證特載五聲大武立綴止於六成分律而七其義何居抑不思先王制樂有正有變州鳩之論始之以六律六間者所以紀其正終之以七列七同者所以盡其變杜佑氏通典謂自商而上

但有五音至周加文武二聲遂為七音揆觀琴制舊惟五絃少宮少商加二為七琴書所載起于文武實自周始即小觀大可證非誣故曰如琴瑟之專一誰能聽之嗚呼噫嘻窮本知變樂之情也比物飾節者見乎變審一定和者存乎本匪變弗通匪本弗立即夷則畢陳以蕃民則黃鍾布戎以屬六師太簇布令昭顯文德無射布惠以優柔容民或取諸上宮或取諸下宮蓋律有旋宮之法宮為四聲之綱是惟調合衆樂之宏規統攝羣



音之大紀夫豈紛紛云爾哉稽諸太誓變伐之歲惟十  
有三年訂以漢唐史志劉歆一行所推歷法是歲在鶉  
火張十三度師初發以十一月戊子日在析木箕七度  
是夕也月在房五度其度孟津以商歷一月戊午越翌  
日冬至星在天龜之首二月癸亥陳乎牧壘甲子昧爽  
會朝清明七律四宮胥起於此景王之鑄無射毋乃未  
究作律之本乎伶鳩之對縷析條陳旨則深矣按其鑄  
鐘昉乎周景二十三年以經傳校之則魯昭之二十一

年春也越明年鐘成至於

至於一  
作若夫

七音之律以奉五聲

若

若一  
作則

晏子之對景公則前乎此六年

一作在昭  
十五年

子太

叔之荅趙簡子則後乎此四載

一作在昭  
二十五年

時之先後相

去不遠蓋王澤未泯遺聲餘韻人能言之外傳又載楚

觀射父之論六律七事釋以天地民四時之務顏師古

注漢史七始之說實權輿於此云

### 孔子律

論衡孔子吹律自知殷之苗裔 春秋孔演圖孔子曰

丘援律吹命陰得羽之宮 孝經援神契聖王吹律有  
姓

鄒衍律

文選注劉向別錄曰鄒衍在燕有谷寒不生五穀鄒衍  
吹律而溫之至生黍 列子師曠之清角鄒衍之吹律

漢郊祀歌青陽至玄冥云鄒子樂

漢張蒼律

史記蒼傳好書尤善律歷為計相時緒正律歷吹律調

樂人之音聲及以比定律令若百工天下作程品

如淳曰比

比次謂五音清濁各有所比不相錯入以定十二律之法令於樂官使長行之至於為丞相卒

就之漢家言律歷者本張蒼

著書十八篇言陰陽律歷事

志漢興

北平侯張蒼首律歷事

郊祀志秦水德音尚大呂

陰律

也之始 隋志張蒼定律推五勝之法以為水德 宋志

蒼始定律歷

漢協律 太初音律

太初元年夏五月定官名協音律 志武帝時樂官考

正 史記樂書作十九章令侍郎李延年次序其聲拜  
為協律都尉 叙傳世宗云云協律改正 禮樂志武帝  
立樂府以李延年為協律都尉司馬相如等造為詩賦  
畧論律呂以合八音之調作十九章之歌 王褒傳神  
爵五鳳之間數有嘉應上頗作歌詩欲興協律之事

後漢律志孝武正樂置協律之官 郊祀歌云五音飭  
吟青黃展詩應律銷玉鳴函宮吐角激徵清發梁揚羽  
申以商造茲新音永久長聲氣遠條鳳鳥翔五音六

律依韋饗昭雜變並會雅聲遠姚 兒寬傳六律五聲

幽贊聖意神樂四合各有方象 晉志孝武置協律之

官雖律呂清濁之體粗正金石高下之音有準然數猶用

五 隋樂志武帝裁音律之響定郊丘之祭頗雜謳謠

非全雅什 律志延年頗解新聲變曲未達音律之源

元帝自度曲被歌聲分判節度窮極窈眇

漢律準 京房六十律 律術

又見後

後漢志元帝時郎中京房君明知五聲之音六律之數京房

傳好鍾律知音聲  
推律自定為京氏

上使太子太傅韋玄成諫大夫章雜

試問房於樂府房對受學故小黃令焦延壽六十律相生之法以上生下皆三生二以下生上皆三生四陽下生陰陰上生陽終於中呂而十二律畢矣中呂上生執始執始下生去滅上下相生終於南事而六十律畢矣十二律之變至於六十猶八卦之變至於六十四也宓義作易紀陽氣之初以為律法建日冬至之聲以黃鍾為宮太族商姑洗角林鍾徵南呂羽應鍾變宮蕤賓變

徵此聲氣之元五音之正也故各統一日其餘以次運  
行當日者各自為宮而商徵之類從焉禮運篇曰五聲  
六律十二管還相為宮此之謂也以六十律分晷之日  
黃鍾自冬至始及冬至而復陰陽寒燠風雨之占生焉  
於以檢攝羣音考其高下書曰律和聲此之謂也志贊曰律  
均前起非房又曰竹聲不可以度調故作準以定數準  
調後發之狀如瑟長丈而十三絃隱間九尺以應黃鍾之律九  
寸中央一弦下有畫分寸以為六十律清濁之節房言



律詳於劉歆所奏其術施行於史官候部用之

大子樂官有律

均見鍾類

文多不悉載律術曰陽以圓為形其性動陰以方

為節其性靜動者數三靜者數二以陽生陰倍之以陰生陽四之皆三而一陽生陰曰下生陰生陽曰上生上生不得過黃鍾之清濁下生不得及黃鍾之數實皆參天兩地圓蓋方覆六耦承竒之道也黃鍾律呂之首而生十一律者也其相生也皆三分而損益之是故十二律之得十七萬七千一百四十七是為黃鍾之實又以

二乘而三約之是為下生林鍾之實又以四乘而三約之  
是為上生太簇之實推此上下以定六十律之實以九三  
之數萬九千六百八十三為法律為寸準為尺不盈者十  
之所得為分又不盈十之所得為小分以其餘正其強弱  
黃鍾十七萬七千一百四十七下生林鍾黃鍾為宮太簇  
商林鍾徵一日律九寸準九尺直一日者凡七律黃鍾至  
應鍾也直五日凡五律形  
始至白呂也七日者九依行至分烏八日者十有七大呂  
至未有直六日至多色育至遲時二十有一直十日至寡  
惟六十律之終曰南事截管為律吹以考聲列以物氣道之本也術

家以其聲微而體難知其分數不明故作準以代之準之  
聲明暢易達分寸又粗然弦以緩急清濁非管無以正也  
均其中弦令與黃鍾相得按畫以求諸律無不如數而應  
者矣章帝元和元年待詔候鍾律殷彤上言官無曉六十  
律以準調音者故待詔嚴崇宋志云嚴嵩具以準法教子男宣願  
召宣補學官主調樂器詔太史丞弘審試十二律其二不  
中其四不中其六不知何律宣遂罷自是律家莫能為準  
靈帝熹平六年東觀典律者張光等問準意光等不知歸

閱舊藏乃得其器形制如房書猶不能定其弦緩急音不可以書曉人知之者欲教而無從心達者體知而無師故史官能辨清濁者遂絕其可以相傳者唯常數及候氣而已

宋志同

隋志禹以聲為律周禮樂器以十二

律為之度數司馬遷律書云黃鍾長八寸七分之一太簇長七寸七分二林鍾長五寸七分三應鍾長四寸三分三此樂之三始十二律之本末也班固司馬彪律志黃鍾長九寸聲最濁太簇長八寸林鍾長六寸應鍾長

四寸七分四釐強聲最清鄭玄月令注蔡邕月令章句  
及杜夔荀勗等所論雖尺有增損而十二律之寸數並  
同漢志京房又以隔八相生一始自黃鍾終於中呂十  
三律畢矣中呂上生黃鍾不滿九寸謂之執始下生去  
減上下相生終於南事更增四十八律以為六十其依  
行在辰上生包育隔九編於冬至之後分焉遲內其數  
遂減應鍾之清宋元嘉中錢樂之更為三百律何承天  
立法制議云上下相生三分損益其一蓋古人簡易之

法猶如周天三百六十五度四分之一京房不悟謬為

六十承天更設新率

一作律

則從中呂還得黃鍾十二旋

宮黃鍾長九寸太簇八寸二釐林鍾六寸一釐應鍾四

寸七分九釐強其中呂上生所益之分還得十七萬七

千一百四十七復十二辰參之數

後齊信都芳有巧思能以管候氣陳毛

爽受京房律法布管飛灰順月皆驗隋開皇九年遣

爽及大樂令蔡子元等候節氣令爽草定其法名曰律

譜其畧曰班氏漢志盡歆所出也司馬彪志並房所出也爽兄喜陳武帝時以十二管行為六十律私候氣序

並有證應牛弘

論六十律不可行 晉志淮南京房鄭玄諸儒言律呂

皆上下相生蕤賓又重上生大呂夷則上生夾鍾無射  
上生中呂此三呂於遷固所生之寸數及分皆倍焉餘  
則並同 晉志呂不韋春秋言黃鍾之宮律之本也淮  
南王安延致儒博亦為律呂云黃鍾之律九寸而宮音  
調因而九之九九八十一黃鍾之數立續漢志具載京  
房六十律準度分數其相生之次與呂覽淮南同司馬  
遷言律呂相生之次著於前史則以太極元氣函三為  
一始動於子十二律之生所起

無射三分損一下生中  
呂京房三分益一上生

呂中 宋志續漢志具載其律準度數論曰漢志云三分損  
一下生林鍾三分益一上生太簇無射既上生中呂則  
中呂當上生黃鍾然後五聲六律十二管還相為宮今  
上生不及黃鍾實二千三百八十四九約實一千九百  
六十八為一分此則不周九寸之律一分有奇豈得還  
相為宮乎凡上生下生大畧猶周天斗分四分之一耳  
京房不思此意比十二律微有所增方引而伸之中呂  
上生執始執始下生去滅至於南事為六十律竟復不



合彌益其疎一律而生五音十二律而為六十音因而  
六之故三百六十音以當一歲之日 通鑑宋元嘉二

十二年初漢京房以十二律中呂上生黃鍾不滿九寸

更演為六十律錢樂之復演為三百六十律日當一管

云云餘  
見上

後魏律志太和十八年高閭表曰律者樂之

本也臣前與孫惠蔚公孫崇等考周官國語及後漢志  
案京房法作準以定律吹律以調絲案律寸以孔竹崇  
依臣共論樂事自作鍾磬志議二卷器數為備 樂志後

魏陳仲儒請依京房立準以調八音神龜二年夏仲儒  
言江左之日頗授琴文覽續漢書見京房律術頗有所  
得度量衡厯出自黃鍾準者本以代律取其分數調校  
樂器則宮商易辨尺寸小長則微濁分數加短則小清  
若閑準意則辨五聲清濁之韻善琴術則知五調調音  
之體參此二途以均樂器自然應和不相奪倫作準調  
絃緩急清濁可以意推舊志唯云準形如瑟十三絃隱  
間九尺以應黃鍾九寸調中一絃令與黃鍾相得案畫

以求其聲不辨準當施柱又案房準九尺之內為一十七萬七千一百四十七分一尺之內為萬九千六百八十三分又復十之是為於準一寸之內亦為萬九千六百八十三分於準一分之內乘為二十分又為小分以辨彊弱仲儒考驗但前却柱中以約準分則相生之韻應合其中絃須施軫以調聲令與黃鍾合中絃下依數畫六十律清濁之節餘十二絃須施柱如箏即於中絃案畫一周之聲度著十二絃上然後依相生之法以次運

行取十二律之商徵商徵既定又以琴五調調聲之法以均樂器瑟調以宮為主清調以商為主平調以宮為主五調各以一聲為主然後錯採衆聲以文飾之事寢五代會要張昭議月律有旋宮之法備於太師之職京房以周官均法每月更用五音乃立準調旋相為宮成六十調又以日法析為三百六十傳於樂府編懸復舊律呂無差錢樂空記其名沈重但條其說六十律法寂寥不嗣 國史志京房作準分六十聲然聲細而難

分世不能用 禮記禮運注律呂始於黃鍾管長九寸  
下生者三分去一上生者三分益一終於南呂更相為

宮凡六十也疏曰諸本多作終於南事則是京房律法

月令黃鍾之宮注十二律轉相生五聲具終於六十正  
義曰黃鍾之調均則黃鍾為宮黃鍾生林鍾為徵林鍾  
生太簇為商太簇生南呂為羽南呂生姑洗為角此是  
黃鍾一調之五聲凡十二律律各有五聲則總有六十  
聲朱子曰十二律各就其宮  
以起四聲而後六十律之聲備 郎宗學京氏易善六

日七分 崔子玉明京房易傳六日七分 郎顛傳注

易稽覽圖甲子卦起中孚六日八十分日之七鄭玄注

一卦六日七分

漢太常銅律

前律志劉歆等條奏言之最詳

師古曰班氏作志取劉歆之義

凡律度

量衡用銅者所以同天下齊風俗也銅為物之至精不

為燥濕寒暑變其節不為風雨暴露改其形介然有常

有似於士君子之行是以用銅也

大戴禮太師吹銅

五聲之本

生於黃鍾之律九寸為宮或損或益以定商角徵羽九

六相生陰陽之應也律有十二陽六為律陰六為呂律

以統氣類物呂以旅陽宣氣黃鍾黃者色之中鍾者種也天之中數五五為聲地之中數六六為律宮以九唱六始於子大呂呂旅也言陰大旅助黃鍾宣氣而牙物也位於丑太簇簇奏也言陽氣大奏地而達物也位於寅夾鍾言陰夾助太簇宣四方之氣而出種物也位於卯姑洗洗絜也言陽氣洗物辜絜之也位於辰中呂言微陰始起未成著於中旅助姑洗宣氣齊物也位於巳蕤賓繼也導也言陽始導陰氣使繼養物也位於午林鍾林君也

言陰氣受任助蕤賓君主種物使長大楸盛也位於未  
夷則則法也言陽氣正法度而使陰氣夷當傷之物也  
位於申南呂南任也言陰氣旅助夷則任成萬物也位  
於酉亡射射厭也言陽氣究物而使陰氣畢剝落之終  
而復始亡厭已也位於戌應鍾言陰氣應無射該藏萬  
物而雜陽閔種也位於亥其法皆用銅職在大樂大常  
掌之 續志漢興北平侯張蒼首治律歷孝武正樂置  
協律之官元始中召通知鍾律者考其意義義和劉歆



典領條奏班固取以為志一備數二和聲三審度四嘉

量五權衡

前志同

晉志云枚其相生所得與司馬遷同宋志云班氏所志未能通律呂本源又

推九六欲符劉歆三統之數假託飾說

晉志揚子雲曰聲生於日

謂甲己為

角乙庚為商丙辛為徵丁壬為羽戊癸為宮也

律生於辰

謂子為黃鐘丑為大呂之屬也

聲以

情質律以和聲聲律相協而八音生聲和音諧是謂五

樂

宋志同

金石錄有律管銘云始建國元年正月癸酉

朔日制

晉志漢平帝時王莽以銅為之

漢鍾律

平紀元始五年正月詔天下通知鍾律者

志云百餘人

樂

志八音調均又不協於鍾律

京房好鍾律

藝文志五行有

鍾律灾應二十六卷鍾律叢辰日苑二十二卷鍾律消

息二十九卷黃鍾七卷 後厯志蔡邕能著文清濁鍾

律 官志注靈臺待詔七人候鍾律 後志日冬夏至

候鍾律 晉志司馬遷言律呂相生之次詳矣劉歆條

奏有五班固因而志之蔡邕又記建武已後言律呂者

至司馬紹統采而續之 史記律書載律數生鍾分生

黃鍾術 唐志有黃鍾算法四十卷推漢書律歷志術一卷崔浩律歷術一卷

漢劉歆鍾律書

隋牛弘傳引劉歆鍾律書云春宮秋律百卉必凋秋宮春律萬物必榮夏宮冬律雨雹必降冬宮夏律雷必發聲 晉志曰劉歆序論雖博而言十二律損益次第自黃鍾長九寸三分損一下生林鍾長六寸三分益一上生太簇而左旋八八為位一上一下終於無射下生中

呂校其所生所得與司馬遷正同 太平御覽風俗通  
曰案劉歆鍾律書云云 風俗通義聲音第六按劉歆鍾  
律書 隋志牛弘等議按禮五聲十二律還相為  
宮 盧植云十二月三管流轉用事當用事者為  
宮 宮君也 鄭玄曰陽管為律陰管為呂 布十二  
辰更相為宮始自黃鍾終於南呂凡六十也 皇  
侃疏十一月以黃鍾為宮十二月以大呂正  
月以太簇為宮餘月放此凡十二管各備五聲

合六十聲五聲成一調故十二調 樂稽耀嘉曰東方  
春其聲角樂當宮於夾鍾餘方各以其中律為宮又云  
五音非宮不調又動聲儀宮唱而商和周禮奏黃鍾歌  
大呂以祀天神鄭玄以黃鍾之鍾大呂之聲為均均調  
也故崔靈恩云六樂十二調 荀勗論三調為均首者  
得正聲之名 馬融曰圜鍾應鍾也賈逵鄭玄曰圜鍾  
夾鍾也 陸績注太玄其說謂陽生於子陰生於午從  
子至巳陽生陰退故律生呂言下生呂生律言上生從

午至亥陰升陽退故律生呂言上生呂生律言下生至  
午而變故蕤賓重上生而續論律呂分寸與司馬遷律  
書特異

漢靈臺時律

明紀永平二年春正月辛未宗祀明堂禮畢登靈臺詔  
曰升靈臺望元氣吹時律注時律即月令孟春律中太簇之類  
禮儀志注蔡邕志曰章帝著歌詩四章列在食舉又  
制靈臺十二門詩各以其月祀而奏之

熹平四年正月  
中出靈臺十二

門新詩下大予  
樂官習誦被聲

續律志注薛瑩書曰上章帝以太常

樂丞鮑鄴等上樂事下車騎將軍馬防防奏言建初二  
年七月鄴上言王者有食舉之樂今樂官但有太簇皆  
不應月律可作十二月均各應其月氣乃能感天地和  
氣宜應明帝始令靈臺六律候而未設其門樂經曰十  
二月行之所以宣氣豐物也月開斗建之門而奏歌其  
律誠宜施行願與待詔嚴崇及能作樂器者共作治考  
工給所當上奏寢今明詔下臣防輒問鄴及待詔知音

律者以為可順上天之明特因歲首令正發太簇之律  
奏雅頌之音以立太平以迎和氣其條貫甚備詔書以  
防言下三公 禮運篇注鄭玄曰宮數八十一黃鍾長  
九寸三分宮去一生徵徵數五十四林鍾長六寸三分  
徵益一生商商數七十二太簇長八寸三分商去一生  
羽羽數四十八南呂長五寸三分寸之一三分羽益一  
生角角數六十四姑洗長七寸九分寸之一三分角去  
一生變宮三分變宮益一生變徵自此已後則隨月而



變所謂還相為宮 月令正義數多者濁數少者清正  
月之時候氣之管中於太簇中猶應也謂候氣飛灰應  
於太簇太簇之鍾生於太簇之律律在於前鍾生於後  
總而言之陰陽皆稱律 通典旋宮之樂建初三年鮑  
鄴始請用之陽嘉二年復廢累代皆黃鍾一均變極七音

漢隨月律 十二月均 定典律

順帝紀陽嘉二年冬十月庚午行禮辟雍奏應鍾始復  
黃鍾作樂器隨月律注子為黃鍾律長九寸聲有輕重

長短度量皆出黃鍾隨月律謂月令正月律中太簇二  
月夾鍾三月姑洗四月仲呂五月蕤賓六月林鍾七月  
夷則八月南呂九月無射十月應鍾十一月黃鍾十二  
月大呂東觀記曰元和以來音戾不調修復如舊典  
隋樂志牛弘議按東觀書馬防傳大予丞鮑鄴等上作  
樂事下防防奏言建初二年七月鄴上言天子食飲必  
順於四時五味而有食舉之樂今官雅樂獨有黃鍾而  
食舉樂但有太簇皆不應月律可作十二月均各應其

月氣公卿朝會得聞月律乃能感天和氣宜應詔下太常太常上言作樂器直錢百四十六萬奏寢今明詔復下臣防可因歲首之嘉月發太簇之律奏雅頌之音以迎和氣其條貫甚具遂獨施行起於十月為迎氣之樂又順帝紀云陽嘉二年冬十月庚午以春秋為辟雍隸太學隨月律十月作應鍾三月作姑洗元和以來音戾不調修復黃鍾作樂器如舊典據此而言漢樂宮懸有黃鍾均食舉太簇均止有二均不旋相為宮元和至

陽嘉二年纔五十歲用而復止黃帝聽鳳以制律呂書  
曰予欲聞六律五聲周禮有分樂而祭此聖人制作合  
天地陰陽之和乃云音戾不調誣之甚也今梁陳雅曲  
並用宮聲 唐楊收傳西京諸儒惑圓鍾函鍾之說故  
郊祀宗廟樂唯用黃鍾一均章帝時太常丞鮑業始旋  
十二宮夫旋宮以七聲為均 後宋登傳為尚書僕射

順帝以登明識禮樂使持節臨太學奏定典律

又見樂類

漢候氣玉律 竹律 樂均

續志五音生於陰陽分為十二律轉生六十所以紀斗  
氣效物類也天效以景地效以響即律也陰陽和則景  
至律氣應則灰除是故天子常以日冬夏至御前殿合

八能之士陳八音聽樂均度晷景候鍾律權土灰

一作炭

放陰陽冬至陽氣應則樂均清景長極黃鍾通土灰輕  
而衡仰夏至陰氣應則樂均濁景短極蕤賓通土灰重

而衡低

淮南子曰水勝故夏至濕火勝故冬至燥燥故  
灰輕濕故灰重 前天文志冬至短極懸土灰

晉灼注引蔡邕律歷記太元瑩曰  
泠竹為管室灰為候以撥百度

進退於先後五日之

中八能各以候狀聞太史封上效則和否則占

易緯曰冬至人

主不出宮寢兵從樂五日擊黃鍾之磬公卿大夫列士之意得則陰陽之晷如度數夏至之日如冬至之日冬

至之日立八尺之表日中視其晷晷如度者則歲美人民和順晷不如度者其歲惡人民多譎言政令為之不

平晷進則水晷退則旱進一尺則日食退一尺則月食月食則正臣下之行日食則正人主之道

候氣

之法為室三重閉戶塗釁必周密布緹縵室中以木為

案每律各一內庠外高從其方位加律其上以葭莩灰

抑其內端

葭莩出河內

案歷而候之一氣至者灰去

其為氣所動者

其灰散為人及風所動者其灰聚

凡殿中候用玉律十二惟二至乃候

靈臺用竹律六十候日如其厯

月令章句曰古之為鐘律者以耳齊其聲後不

能則假數以正其度度數正則音亦正矣鍾以斤兩尺寸中所容受升斗之數為法律以寸分長短為度故曰黃鍾之管長九寸徑三分圓九分其餘皆補短雖大小圓數無增減以度量者可以文載口傳與衆共知然不如耳決之明也

晉志楊泉記云取弘農宜陽縣金門山竹為

管

續郡國志注弘農宜陽有金門山山竹為律管

河內葭莩為灰或云以律著

室中隨十二辰埋之上與地平以竹葭灰實律中以羅

穀覆律呂氣至吹灰動穀小動為和大動君弱臣強不


動君嚴暴之應 前志聽工以律知日冬夏至一人

隋志後漢尺度稍長魏杜夔制律呂以之候氣灰悉不  
飛梁太常丞毛栖誠取玉管及宋太史尺聞奏詔大匠  
依樣制管律又飛灰 晉志律之始造以竹為管取自  
然夏虛也 月令律中太族注應謂吹灰也正義引蔡  
邕云以法為室三重中央土律中黃鍾之宮正義曰黃  
鍾候氣之管本位在子黃鍾宮聲與中央土聲相應土  
無候氣之法非候氣也賀瑒云虛設律於其月崔靈恩  
云凡陰陽之管合十有二律律各為一調迭相為宮而



生五聲合而成樂黃鍾宮最長為聲調之始十二宮之主宮音是五音之長故與黃鍾之調宮聲相應四時之律皆取氣應土王之律獨以聲應從四時之管而別候也 漢候氣法殿中候用玉律十二惟二至乃候者十二月之律以候月也靈臺用竹律六十候日如其應者六十日之律以候日也月律當一下一上依次而生日律當用蕤賓重上生司馬遷劉歆之法月律也呂不韋淮南京房之法日律也晉志謂推算之術無重上

生之法蓋取司馬而非淮南梁武帝作鍾律緯則是京  
房而非班固二者之說皆徇一偏之見非通論也



玉海卷六